

یوحنا یه دو مین نامه

۱

۱ شیخ جی،

به مُحَرَّم حَنُم و اونه وَچِه هان که 'حَقِیْقَت' مِین اوشانِ دوس دارم - وَ نه فقط مَن، بلکه تمام اوشانیکه حَقِیْقَت بِشناختَن - ۲ اُون حَقِیْقَتِ خا طری که آمی مِین دَرِه و تا اَبَد آمی هَمَرِه مانَدِه.

۳ فیض و رَحْمَت و سلامتی، خُدا ی پِر طرف جی و عیسی مَسِیح طَرَف جی، اُون پِرِه ریکا، حَقِیْقَت و مُحَبَّت مِین آمی هَمَرِه مانَدِه.

مُحَبَّت و حَقِیْقَت مِین زندگی هَکُردَن

۴ مَن خِیلی خوشحال هَبام که بِفهمِسم بعضی آ ز تی وَچِه هان طَبَقِ همون حُکمی که پِرِه جی بِیْتیم، 'حَقِیْقَت' مِین زندگی کائَن. ۵ اَسِه، عزیز حَنُم، تی جی ایتا دَرخواس دارم. نه اونکه ایتا تازه حُکَم تِرِه بَنویسم، بلکه همون حُکَم که آ ز اوْل داشتَم، که هَمدیگر مُحَبَّت هَکُنیم. ۶ وَ مُحَبَّت اینِه که آما طَبَقِ اونه اَحکام زندگی هَکُنیم. آره، هَمونجور که آ ز اوْل بِشَتوَسین اونه حُکَم اینِه که مُحَبَّت مِین زندگی هَکُنیم.

۷ چون دُنیا ی مِین خِیلی حُقُّ بازِ آدَمَان دَرَن، که اوشان اعتراف نُکائَن عیسی مَسِیح آدَم جِسم مِین بوما. اینجور آدَم، همون حُقُّ باز و ضِدِّ مَسِیح. ۸ هوشیار هَبین تا ثَمَرِه اُون کاران که آما هَکُردیم رِه به باد نَدین، بلکه ایتا پاداشِ کَامِل هَگیرین. ۹ هر کسی که مَسِیح تَعْلیم جی پِیشتر بوشو و اونه مِین ثابت نُمانِه، خُدا رِه نِداره. هر کسی که اُون تَعْلیم مِین ثابت بُمانِه، هم پِر رِه دَارِه و هَم ریکا رِه دَارِه. ۱۰ اگه کسی شِیمی وَرجه بیه و این تَعْلیم نِیارِه، اونه شِیمی سِرِه راه نَدین و اونه خُش آمد نَکین؛ ۱۱ چون اونیکه اونه خُش آمد باگو، اونه شَریرِ اَعمالِ

مَین شریک بونه.

سَرآخِر

^{۱۲} هَر چَن خِیلی چیزا دارم که شِمره بَنوِیسم، وَلِی نَخَنَم مُرْگَب و کاغذِ هَمَرَه هَبو. بلکه اُمید دارم شِیمی وَرجه بییم و رُو دَر رُو گَب بَزَنیم تا آمی حُشحالی کامل هَبو.

^{۱۳} تِی مُحَتَرَم خَاخِر وَجِه هان، تیره سلام رِساندِن. [آمین]!

